



Arbitraža

Šta je to arbitraža?

Arbitraža je postupak rješavanja spora između stranaka pred arbitražnim (izabranim) sudom.

Kako mogu pokrenuti postupak arbitraže u Bosni i Hercegovini?

Trenutno u BiH postoje dvije aktivne institucionalne arbitraže: Arbitražni sud pri Vanjskotrgovinskoj komori BiH, sa sjedištem u Sarajevu, te Arbitraža – Stalni izabrani sud pri Privrednoj komori Republike Srpske, sa sjedištem u Banjoj Luci.

Kako spor povjeriti na rješavanje arbitraži?

Nadležnost arbitraže za rješavanje jednog spora može se predvidjeti osnovnim ugovorom iz kojeg je nastao spor, odnosno ukoliko to nije ugovoreno, posebnim ugovorom koji stranke zaključuju nakon što je spor među njima nastao.

Arbitražna presuda / odluka ima snagu pravosnažne i izvršne presude redovnog suda.

Više informacija o prednostima alternativnih načina rješavanja sporova pronađite na internet stranicama:

Medijacija:

Udruženje medijatora u BiH – <https://www.umbih.ba/>

Arbitraža:

Vanjskotrgovinska komora Bosne i Hercegovine – <https://www.komorabih.ba/> i Privredna komora Republike Srpske – <https://komorars.ba/>

Sudska nagodba:

VSTV BiH – <https://vstv.pravosudje.ba>

VSTV BiH
Kraljice Jelene 88
71000 Sarajevo
Tel.: +387 33 707 500
Faks: +387 33 707 550

Afiša je pripremljena uz finansijsku podršku Evropske unije u sklopu Projekta „EU podrška reformama pravosuđa u BiH“. Za njen sadržaj isključivo je odgovorno Visoko sudsko i tužilačko vijeće BiH i ne odražava nužno stavove Evropske unije.

KAKO spor riješiti brže i jeftinije?

ZA POSLOVNU ZAJEDNICU



Finansira Evropska unija



Implementira Visoko sudsko i tužilačko vijeće BiH

Zašto koristiti alternativne načine rješavanja sporova?

Alternativno rješavanje sporova je brže, jednostavnije i najčešće jeftinije.

Zašto?

Cilj alternativnih načina rješavanja sporova, sudske nagodbe, medijacije ili arbitraže jeste doći do rješenja direktnim dogovorom sa suprotnom stranom ili uz pomoć medijatora ili arbitražnog suda. U tom slučaju nema dugotrajnih i skupih sudskih postupaka, a rješenje spora postignuto na ovakav način ima jednaku vrijednost kao i sudska presuda.



Kraći postupak

Jeftinije rješenje spora

Veća kontrola stranaka nad postupkom i načinom na koji će spor biti riješen

Mogućnost nastavka narušenog poslovnog odnosa

Medijacija



Šta je to medijacija?

Medijacija je postupak u kojem treća neutralna osoba (MEDIJATOR) pomaže strankama da postignu obostrano prihvatljivo rješenje spora. Medijator uspostavlja i olakšava razgovor između stranaka i vodi stranke do rješenja njihovog spora.

Kako pokrenuti postupak medijacije?

Prvi korak je podnošenje zahtjeva za pokretanje postupka Udruženju medijatora u BiH. Zahtjev se može podnijeti poštom ili lično, a može ga podnijeti svaka stranka u sporu ili se stranke mogu dogovoriti da podnesu zajednički zahtjev.

Takođe, ukoliko se već vodi sudski postupak, sudija može predložiti strankama da spor pokušaju riješiti medijacijom.

Izbor medijatora

Stranke zajednički biraju medijatora s liste medijatora koju utvrđuje Udruženje medijatora u BiH. Ako se stranke ne mogu dogovoriti oko izbora medijatora, imenuje ga Udruženje.

Šta kada se spor riješi?

Kada stranke dođu do rješenja, medijator priprema pismeni sporazum o nagodbi, koji će potpisati medijator i stranke u sporu. Ovaj sporazum ima istu pravnu snagu kao i sudska presuda.



Sudska nagodba

Zašto sudski spor riješiti nagodbom?

Korištenjem sudske nagodbe, stranke same dogovaraju na koji način će riješiti spor, a postignuta sudska nagodba ima istu pravnu snagu kao i sudska presuda. Sudska nagodba se zaključuje u nadležnom sudu, bilo da je riječ o prvostepenom ili drugostepenom postupku.

Na ovaj način je rješavanje spora brže i nema troškova koje iziskuje standardni sudski postupak.

U kojim predmetima se najčešće zaključuje sudska nagodba?

U predmetima koji uključuju novčana potraživanja, privrednim i radnim sporovima, predmetima koji se odnose na potraživanje naknade materijalne i nematerijalne štete, te onim u kojima je sporna samo visina potraživanja ili postoji malo spornih pitanja.